

靈寶領教濟度金書卷之十六

洞微高士開光教苦真人審金真授

靈寶通玄弘教水南先生林靈真編

科儀立成品新撰開度通用

補職說戒儀

侍職立師寶前告白

伏以建齋行道威儀夙列於三元分任設官俯仰聿符於四極諸天臨軒而校錄衆真侍座以監觀職守所靡步趨宜謹况玉律備統攝之令而金科垂銓舉之文宜嚴厥誠登瑤壇而變理各典所署教瓊及以宣揚選授毋輕鑒觀有異

先補一人為高功其職也道德內充威儀外備天人歸嚮鬼神具瞻躡景飛章承顏宣德惠周三界禮絕衆官今齋主已預齋信幣禮請某人充直壇以職簡授之跪受簡三拜
次補一人為都講其職也洞輔該通法度明練讚唱儀矩領袖班聯立壇步趨陸座講說昭符人望默契天心今某人

充直壇以職簡授之跪受簡三拜
次補一人為監齋其職也總握憲章典領科禁糾正壇職振肅朝綱周密察非從容授簡有嚴有衛毋濫毋蒙今以某人充直壇以職簡授之跪受簡三拜

次補一人為侍經其職也嚴潔几榻整齊卷軸開函啓奏收積敷陳調和衆音表儀庶職觀聽允睦幽顯交權今以某人充直壇以職簡授之跪受簡三拜
次補一人為侍香其職也精飾鼎彝嚴潔案席巡行燕炷終始芬芳玄鑒昭彰丹誠露達母或中絕有越初忱今以某人充直壇以職簡授之跪受簡三拜

次補一人為侍燈其職也整辦缸篝精嚴燈燭高下照徹內外輝華際夜續明乘晨收焰上明道境下煥幽輝今以某人充直壇以職簡授之跪受簡三拜

如上所補皆道參洞輔學貫樞機通曉齋科非白簡初真之輩練明經法匪黃冠後進之流惟默陟之既明宜賢否之勿徇以德相尚

豈云遷就於人情惟道相尊詎曰觀望於勢位各敦素守共暢玄綱有三官五帝之檢身有九府四司之臨女天威惕若壇禁森如母自冒於科條庶克逃於憲律一如靈寶玄壇律令

智慧頌

智慧生戒根 真道戒為主 三寶由是興 高仙所崇受 汎此不死舟 倏忽濟大有 當此說戒時 諸天來稽首

轉班高功西向壇衆東向各伏地 衆官等各各首體投地默禮十方 各一拜從壇為始禮足周四十方虔誠受戒

高功說戒長跪 衆官各長跪 天尊告太上道君曰今當普說法音開悟群生為諸男女解災却患請福度命拔諸苦根使生者見道身脫八難死者懼樂飲食天堂早生人中轉輪聖王之象脩齋求道皆當一心奉請十戒謹受勿忘專心默念洞思自然毋得雜想攙亂形神能如是者便當靜聽

第一戒者心不惡妬無生陰賊檢口慎過
想念在法

第二戒者守仁不殺慈濟群生慈愛廣救
潤及一切

第三戒者守正讓義不淫不盜常行善念
損已濟物

第四戒者不欲不色心無放蕩正潔守慎
行無點汙

第五戒者口無惡言言不華綺內外中直
不犯口過

第六戒者斷酒節行調和性氣神不損傷
無犯衆惡

第七戒者不得嫉人勝己爭競功名每事
謙讓退身度人

第八戒者不得評論經教毀聖文躬心
承教常如對神

第九戒者不得鬪亂口舌評詳四輩天人
各恨傷損神氣

第十戒者舉動施為平等一心人和神穆
行常使然

以上十戒能持否 衆答云能持

天尊言修奉清戒每合天心常行大慈願為
一切善度厄世憐憫專敬不得中怠寧守善
而死不為惡而生於是不退可得拔度五道
不履三惡諸天所護萬神所敬長齋奉戒自
得度世

天尊言道尊法妙人身亦貴故道開法門遺
戒經文以度人人身既度上與道同宜為
精行持齋奉戒衷心靜默志念分明一意皈
嚮專想不二滌蕩六腑過中不味內外清虛

每念自然是直齋日拈香啓願應心上徹四
天司過十部威神即下履行觀聽法音監映
爾心如戒行道皆列功諸天禍福立彰道不
負人勤行請受勿使魔言

天尊言建齋行道四天帝王皆駕飛雲綠輦
八景玉輿侍從真人玉女手把華幡前導鳳
歌後從鈞天白鶴獅子嘯歌嘒嘒燒香散花
浮空而來瞻禮上道觀聽法音天王下降萬
靈朝馮如是豈可不盡其法焉當先授十戒
然後行道庫序推步靜心閑意坐起卧息不

離儀格天真權喜列言上清可謂得道方寸
之間矣

奉戒頌

道為無心宗 一切作福田 立功無定準
本願各由人 虛己應眾生 注心莫不均
大聖崇正教 亦由兩降天 高陵靡不周
常早故成淵 海為百川王 是能捨龍鱗
萬劫保智用 豈但在厥年 奉戒不暫虧
世世善結緣 精思念大乘 會當體道真
歸位 衆官平坐宣禁威儀

齋法清虛威禁至重同齋學士務契威儀太
極法師具存禁戒今當宣演開示未聞監齋
糾率衆官面受罰簡有違科禁必罰毋停修
齋主人當洒掃屋宇每令潔淨丁教大小內
外寂靜不可使香油缺乏法用有虧

道士登齋各齋中榻版履不得臨時交換
彼我公事有缺勿得牽引非己之服
道士登齋起居皆當關白監齋禮法師一
拜禮香三拜而去還亦如之
若到齋堂履屨不整罰油二斤準禮二十

拜

若坐起不庠序罰油半斤準禮五拜

若不正坐罰朱半兩準禮五拜

若臨行法事與外人交言罰香一斤準禮

二十拜

若翻覆香火罰香半斤準禮十拜

若講及世務罰香一斤準禮二十拜

若言語戲笑罰朱一兩準禮十拜

若綺言低睡罰朱半兩準禮五拜

若翻覆燈油罰香二斤準禮四十拜

若巾褐不整罰香半斤準禮十拜

若都講讚唱失儀罰香一斤準禮二十拜

若執糾見過不彈私隱罰油六斤準禮六

十拜

若侍經不整飾高座觸物有缺罰香半斤

準禮十拜

若侍香香烟中絕罰油四斤準禮四十拜

若侍燈燈火中滅罰香一斤準禮二十拜

若齋主內外不相檢飭音聲高厲罰油五

斤準禮五十拜

若聽經倚據不執簡罰香一斤準禮十拜

若不注念清虛心想息倦為衆所覺罰油

三斤準禮三十拜

若出入齋堂不關白監齋罰油二斤準禮

二十拜

若垂髮馳步罰香一斤準禮二十拜

若讀經或亂請問敗句罰油三斤準禮三

十拜

若唱善聲不齊罰油二斤準禮二十拜

若升壇不洗手漱口罰油二斤準禮二十

拜

若起坐揖遜失儀罰油半斤準禮五拜

若旋行不依次第及逆行罰香半斤準禮

十拜

若起行來及還坐不禮經三拜徑去者罰

香一斤準禮二十拜

若臨燒香突行罰油一斤準禮十拜

若齋主供辦觸事有缺罰香一斤準禮二

十拜

若受關不啓上罰油三斤準禮三十拜

若齋次因起居逃遯不返為衆所糾罰香

五斤準禮一百拜

若犯威儀彈罰不伏者啓告三寶退出齋

次

若下坐衆官法事有虧從一至三依科彈

罰從三已上退出齋次執糾不彈與犯

同罪

若上座法師於事有虧從一至三依科彈

罰從三已上斷功一百日不得又在法

座

凡此禁戒皆玄都上官明科舊格戒其情慢

檢其愆違違齋之時四天帝王天眞上聖親

降齋所瞻履行道察其行藏觀其誠志若有

過失即勅四司五帝詔下三官隨事糾舉加

其災考天尊大聖哀念世愚不欲使其因齋

獲罪故開糾罰之門使其知過而能改罪亦

消焉受罰之者責已甘心恭敬聽命勿得飾

非喧競干冒眞靈如此則私整紀綱解消殃

欲落罪名於既往延福祉於將來得不翼翼

小心虔虔夕惕若親奉大聖躬朝國君即眞

靈感通福祥臻集登齋之士勉而戒之

如不宣禁則云登齋衆官久請壇律盡
遵天職各整朝章所有罰簡三十六條
更不宣示

九五

十六

靈寶領教濟度金書卷之十六

靈寶領教濟度金書卷之十七十八 伐六

洞微高士開光教苦真人審金真授

靈寶通玄弘教水南先生林靈真編

科儀立成品新法開度通用

開啓祝幕儀

法師上香

臣聞一元肇運範圍經緯以生成三洞開圖
索蒼陰陽而化育故凡麗於名數孰有外於
陶鎔仰惟大造之涵容俯鑒小心之激切以
今恭焚道香德香無爲香無爲清淨香清淨
自然香妙洞真香靈寶慧香超三界香三景
真香滿瓊樓玉京遍周天法界無量寶香遙
瞻供養

太上元極大道虛无自然元始天尊妙无上
帝虛皇玉晨大道君靈寶天尊妙有上帝萬
變混沌玄元老君道德天尊至真大帝玉皇
大天尊玄穹高上帝紫微中天社極大帝紫
微上官天皇大帝高上帝霄玉清真王長生
大帝東極青玄上帝后土皇地祇十方靈寶
天尊九天生神上帝三十二天上帝五方五

老上帝東華上相木公道君西靈太真金母
元君日宮太陽營儀帝君月宮太陰結璘皇
君南辰六闕上真道君北極九府上真道君
五方五德上真道君周天二十八宿真君天
地水三官帝君泰玄樞機三省上相天君九
天諸司真君天曹諸司真君三天化主玄中
大法師真君三天大聖都天大法天師真君
靈寶經籍度師真君靈寶監齋大法師真君
北極四聖真君三天門下三元真君三天門
下上章詞表靈官十方元極飛天神王五天
三界大魔王三洞四輔經錄法科上聖高真
神仙將兵本靖諸省府院司將吏兵馬五嶽
五帝真君五天聖帝洞天福地靖虛治化名
山洞府得道真仙祖玄真師列位真人經籍
度師列位真人北陰玄天鄭都大帝東霞丹
林扶桑大帝地水職司城隍社令里域土地
監察神祇侍衛宣通无鞅聖衆三界官屬一
切真靈仗此靈香普同供養香乃玉華散景
九炁凝烟香雲霞羅徑衛九天宮願侍香金
童傳言玉女與臣通達上聞